

# ¡LIBERTADIA!



¡O, zeñen ederra dan  
libertade ona,  
ori da poz, atsegiñ,  
eta zoriona!

Chori polita iruki arren  
kayol onian gordia,  
jana ta erana oso aukeran  
ezeren faltik gabia,  
beti goñatzen aritu arren  
festak egiñaz jabia,  
alaz guziyaz ark desio du  
gozotasun bat obia,  
gau eta egun pentsatzen dagon  
kanpoko libertadia.

Libertade gozoa  
gauzik ederrena,  
zuk alaitutzen dezu  
biyotzen barrena.

Choriyen gisa nai degu libre  
izan beti euskaldunak,  
oso utzirik kayol, erreja,  
eta kate ditugunak;  
batu gaitian guraso, anai,  
adiskide ta lagunak,  
biyotzetikan libertadia  
pozez maitatzen degunak,  
pake onian igarotzeko  
munduko azken egunak.

JOSÉ ARTOLA.

